

Қазақстан Республикасының Үкіметі мен Қырғыз Республикасының Үкіметі арасындағы Қырғыз Республикасының Шекара қызметі үшін кадрлар даярлау саласындағы келісімге қол қою туралы

Қазақстан Республикасы Үкіметінің 2006 жылғы 30 маусымдағы N 631 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қазақстан Республикасының Үкіметі мен Қырғыз Республикасының Үкіметі арасындағы Қырғыз Республикасының Шекара қызметі үшін кадрлар даярлау саласындағы келісімнің жобасы мақұлданын.

2. Қазақстан Республикасы Ұлттық қауіпсіздік комитетінің төрағасы Амангелді Смағұлұлы Шабдарбаевқа қағидаттық сипаты жоқ өзгерістер мен толықтырулар енгізуге рұқсат бере отырып, Қазақстан Республикасының Үкіметі атынан Қазақстан Республикасының Үкіметі мен Қырғыз Республикасының Үкіметі арасындағы Қырғыз Республикасының Шекара қызметі үшін кадрлар даярлау саласындағы келісімге қол қоюға өкілеттік берілсін.

3. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі

Жоба

**Қазақстан Республикасының Үкіметі мен
Қырғыз Республикасының Үкіметі арасындағы
Қырғыз Республикасының Шекара қызметі үшін кадрлар даярлау
саласындағы келісім**

Бұдан әрі Тараптар деп аталатын Қазақстан Республикасының Үкіметі мен Қырғыз Республикасының Үкіметтері достық қатынастарды дамыту, нығайту ниетін негізге ала отырып, сыртқы шекара қауіпсіздігін қамтамасыз ету саласындағы ықпалдасу үдерістерін жолға қоюға және тереңдетуге ұмтыла отырып, Тәуелсіз Мемлекеттер Достастығына қатысушы мемлекеттердің сыртқы шекараларын сенімді күзету үшін шекара әскерлерінің кәсіби даярланған әскери кадрларының шешуші мәнін ұғына отырып,

1995 жылғы 3 қарашадағы Тәуелсіз Мемлекеттер Достастығына қатысушы мемлекеттердің шекара әскерлеріне арналған әскери кадрларды даярлау мен олардың біліктілігін арттырудағы ынтымақтастық туралы Келісімнің 1-бабын басшылыққа ала отырып, төмендегілер туралы келісті:

1-бап

Қазақстан Тарабы Қырғыз Тарабының Шекара қызметінің әскери қызметшілерін мына: Қазақстан Республикасы Алматы қаласы Достық даңғылы 103 мекен-жайында орналасқан Қазақстан Республикасы Ұлттық қауіпсіздік комитетінің Әскери институтына (бұдан әрі - ҰҚК Әскери институты) ҰҚК төрағасы бекіткен штат сан лимитінің және ҰҚК Әскери институтын ұстауға бөлінген қаражаттың шегінде шарттасқан санда, Тараптар жыл сайын келісетін мамандық бойынша және мерзімге оқуға қабылдайды. Келісу нәтижелері келісім-шарттармен ресімделеді.

2-бап

Тараптардың осы Келісімнің орындалуы үшін жауапты өкілетті органдары: Қазақстан Тарабынан - Қазақстан Республикасы Ұлттық қауіпсіздік комитеті; Қырғыз Тарабынан - Қырғыз Республикасының Шекара қызметі болып табылады. Жоғарыда аталған өкілетті органдардың атаулары немесе функциялары өзгерген жағдайда Тараптар дипломатиялық арналар бойынша уақытылы хабарланатын болады.

3-бап

Әскери қызметшілерді оқуға қабылдау Қырғыз Тарабының жыл сайынғы жазбаша өтінімдеріне, Қазақстан Тарабының ұсынымдары мен мүмкіндіктеріне сәйкес жүргізіледі. Өтінімдер оқу басталғанға дейінгі 6 айдан кешіктірілмей жіберіледі. Өтінімдерде оқыту мамандығы және әр мамандық бойынша жеке үміткерлер саны, оқуға үміткерлердің жалпы білім деңгейі көрсетіледі.

Қырғыз Тарабы жыл сайын Қазақстан Тарабы бекітетін квотаға сәйкес ҰҚК Әскери институтында оқуға үміткерлерді іріктеуді жүзеге асырады. Оқуға түсетін жылы жасы 17-ден 23-ке дейінгі үміткерлердің толық орта білімі болуы тиіс.

4-бап

Қырғыз Тарабы белгіленген тәртіппен кәсіби іріктеуді, медициналық куәландыруды , Қырғыз Тарабы белгілеген бағдарлама бойынша қабылдау емтихандарын жүргізуді жүзеге асырады және әскери қызметшілерді ҰҚК Әскери институтына оқуға алдын ала белгіленген мерзімде жібереді. Кәсіби іріктеуге (емтихандарға) Қазақстан Тарабының өкілдері қатысуы мүмкін. Үміткерлер қорытынды медициналық куәландыруды ҰҚК Әскери институтында өтеді.

Оқыту Қазақстан Республикасының әскери оқу орындарында қабылданған қолданыстағы оқыту жоспарлары мен бағдарламаларына сәйкес орыс тілінде жүргізіледі.

5-бап

Қырғыз Тарабы оқу басталғанға дейін 1 ай бұрын Қазақстан Тарабының мекен-жайына (орыс тілінде):

әскери атағын, тегін, атын, әкесінің атын, туған жылын, жалпы білімін, болжанатын мамандығын көрсете отырып, әскери қызметшілер тізімінің екі данасын; оқуға үміткерлердің: кәсіби іріктеу нәтижелерін, мемлекеттік құпияға жатқызылған мәліметтерді алуға (беруге) құқығының болуы туралы қорытындыны және толық орта

білімі туралы құжаттарының нотариалды куәландырылған көшірмелерін, сондай-ақ ВИЧ-инфекцияға және гепатитке (А,В,С) тексеру туралы медициналық қорытындыны қамтитын жеке іс қағаздарын жібереді. Оқу аяқталғаннан кейін жеке іс қағазы қырғыз Т а р а б ы н а қ а й т а жіберіледі.

Қырғыз Тарабының әскери қызметшілері оқуға белгіленген тәртіппен оқу жылының басталуына қарай келеді, оларда:

- Қырғыз Республикасы азаматының жалпы азаматтық паспорты;
- білімі туралы, оқыған пәндері мен олар бойынша алған бағалары туралы құжаттардың түпнұсқалары мен көшірмелері;
- жоғары оқу орындарына түсу емтихандарын тапсыру ведомосының үзінді к ө ш і р м е с і ;
- медициналық кітапшасы және 3 айдан аспаған мерзімдегі денсаулық жағдайы туралы қорытынды, 1 айдан аспаған мерзімдегі ВИЧ-инфекцияға және гепатитке (А,В,С) тексерілгені туралы медициналық қорытындысы;
- әскери нысандағы киімде түскен 4,5 x 3,5 мөлшеріндегі бес фотосуреті;
- мемлекеттік құпияға рұқсаттың тиісті нысаны болуы қажет.

Барлық құжаттар орыс тілінде ресімделген және нотариалды куәландырылған б о л у ғ а т и і с .

Қырғыз Тарабы үміткерлердің белгіленген мерзімде оқуға келуін қамтамасыз етеді.

Егер үміткерлер ҰҚК Әскери институтына оқуға белгіленген мерзімнен кейін 10 күн ішінде келмеген жағдайда, олар оқуға жіберілмейді.

Қырғыз Тарабы оқуға жіберген кезде Қырғыз Тарабы әскери қызметшілері қатарынан ұлттық топтың жетекшісі тағайындалады, ол ҰҚК Әскери институтындағы оның өкілі болып табылады.

6-бап

ҰҚК Әскери институтында оқитын Қырғыз Тарабының әскери қызметшілеріне оқу жоспарларына сәйкес жыл сайын жазда ұзақтығы 30 тәулік мерзімге кезекті демалыс және ұзақтығы 14 тәулік қысқы каникул демалысы беріледі.

7-бап

Қазақстан Тарабы қырғыз Тарабы әскери қызметшілерін ҰҚК Әскери институтында о қ ы т у б а р ы с ы н д а :

- Қазақстан Республикасының ішкі істер органдарында уақытша тіркеумен;
 - а қ ш а л а й ү л е с п е н ;
 - з а т т а й м ү л і к п е н ;
- тұратын үй-жайлармен (жатақханалармен);
 - ү ш м е з г і л д і к т а м а қ п е н ;
- оқытушылар құрамымен, оқу құралдарымен, оқу-сыныптық керек-жарақтармен, зертханалық жабдықпен, қару-жарақпен, техникамен, оқ-дәрілермен, практикалық оқытудың техникалық құралдарымен;

- арнайы оқу жоспарлары мен бағдарламаларына сәйкес оқу үдерісіне қажетті шығыс материалдарымен және басқа да жабдықпен;
- оқу үдерісіне қажетті кітапханаларды, оқу және спорт залдарын және басқа үй-жайларды пайдалану құқығымен;
- госпитальға жатқызу мен дәрі-дәрмектер беруді қоса алғанда, медициналық қызмет көрсетумен;
- оқу мақсаттары үшін көлікпен;
- киім-кешекпен, сондай-ақ Қазақстан Тарабы әскери қызметшілерінің қазіргі санаттарына арналған нормалар бойынша техникамен жұмыс істеуге арналған арнайы киіммен қамтамасыз етеді.

Арнайы киім уақытша пайдалануға беріледі және оқу аяқталған соң оны алған орнына қайтаруға жатады.

8-бап

Қырғыз Тарабы әскери қызметшілерін ақшалай үлеспен, киім-кешекпен, тамақпен және тұратын үй-жайлармен (жатақханамен) қамтамасыз етуді, сондай-ақ оқуға байланысты шығыстарды Қазақстан Тарабы әскери қызметшілерінің тиісті санаттары үшін сәйкес белгіленген нормалар бойынша Қазақстан Тарабы жүзеге асырады.

Қырғыз Тарабы әскери қызметшілерінің жол жүруін, олардың қол жүктерін әскери қызметін өткеру орнынан (тұратын жерінен) оқу орнына дейін ақы төлеуді Қырғыз Тарабы жүзеге асырады. Олардың жүгін олардың әскери өткеру орнынан (тұратын жерінен) оқитын жеріне дейін алып жүру, кезекті, каникулдық және жеке басының жағдайлары бойынша демалыстар, Қырғыз Республикасында машықтануға (практикаға), Қазақстан Республикасы ҰҚК Әскери институтынан шығарылған жағдайда Қырғыз Республикасы аумағына оралу кезінде және оқу аяқталысымен қызмет орнына қайту жолдары кейіннен қырғыз Тарабы төлеу үшін ұсынатын есептерін Қазақстан Тарабы жүзеге асырады.

Егер Қырғыз Тарабына ақша қаражаты шот ұсынылғаннан кейін бір айдың ішінде Қазақстан Тарабына келіп түспеген жағдайда, онда осы келісімнің 7-бабының іс әрекетін қазақстандық Тарап тоқтатуға құқылы.

9-бап

Қырғыз Тарабы әскери қызметшісінің кінәсынан қазақстандық Тараптың мүліктері бұзылған жағдайда, Қазақстан Республикасының қолданыстағы заңнамасына сәйкес нақты шығындарды негізге ала отырып, қырғыз Тарабы оның жөндеу немесе ауыстыру құнын төлейді.

Қырғыз Тарабы әскери қызметшісінің кінәсынан қазақстандық Тараптың мүліктері жоғалған жағдайда, оның құнын қазақстандық Тарап әскери қызметшілерінің тиісті санаттарына сәйкес анықталған мөлшерде Қырғыз Тарабы өтейді.

Бұзылған мүліктерді жөндеуді немесе ауыстыру құнын төлеуді, сондай-ақ жоғалған мүліктің құнын өтеуді Қазақстан Тарабы Қырғыз Тарабы өкіліне тиісті шоттарды

берген күннен бастап, 2 айдың ішінде Қырғыз Тарабы жүргізеді. Шоттар Тараптар өкілдері қол қойып, расталған актілер негізінде ресімделеді.

10-бап

ҰҚК Әскери институтында оқып жүрген Қырғыз Тарабының әскери қызметшілеріне шетелдік азаматтарына Қазақстан Республикасының заңнамасында көзделген құқықтар мен міндеттер қолданылады.

Қырғыз Тарабының әскери қызметшілері Қазақстан Республикасы заңнамаларының талаптарын, әскери қызметті өткеруді реттейтін Қазақстан Республикасы Қарулы Күштерінің жалпы әскери жарғыларын, сондай-ақ ҰҚК Әскери институтында ішкі тәртіпті және оқу үдерісін сақтауға міндетті.

ҰҚК Әскери институтында оқитын және жоғарыда аталған талаптарды бұзған әскери қызметшілер, сондай-ақ Қырғыз Тарабының шешімі бойынша кері шақырылғандар ҰҚК Әскери институтынан шығарылады және Қырғыз Республикасына жіберіледі.

11-бап

Әскери қызметшінің одан әрі оқуына кедергі келтіретін ауырып қалған кезінде ол әскери-дәрігерлік комиссияға жіберіледі. Әскери-дәрігерлік комиссия ауырған әскери қызметшінің одан әрі оқуға жарамсыздығы туралы шешім қабылдаған жағдайда, ол ҰҚК Әскери институтынан шығарылады және Қырғыз Тарабының қарамағына жіберіледі.

Қырғыз Республикасының әскери қызметшісі Қазақстан Республикасының аумағында қайтыс болған (қазаға ұшыраған) жағдайда, Қырғыз Тарабы қайтыс болған (қаза тапқан) адамның денесін ресімдеуді және Қырғыз Республикасына жіберуді өз есебінен қамтамасыз етеді. Қазақстан Тарабы Қырғыз Тарабының өтініші бойынша қажетті жәрдем көрсетеді.

Қазақстан Тарабы барлық жағдайларда Қырғыз Тарабына оқып жүрген адамның қайтыс болғаны туралы дереу хабардар етеді, ал өлу себептерін Қазақстан Тарабының құзыретті органдары анықтайтын болады.

12-бап

Қырғыз Тарабының әскери қызметшілері әскери машықтанудан Қырғыз Республикасының әскери құрамаларында және бөлімдерінде өтеді. Машықтанудың жоспары, мерзімі және орны жұмыс тәртібінде анықталады.

Қырғыз Тарабының әскери қызметшілерін кезекті және каникулдық демалыстарға жіберу әскери машықтану аяқталғаннан кейін ҰҚК әскери институтына қайта келмей-ақ бірден жүзеге асырылады.

Талап етілетін көлемде оқу бағдарламасын меңгерген, емтихан тапсырған және диплом жобасын қорғаған әскери қызметшілерге алған мамандығына сәйкес біліктілік беріледі, бекітілген үлгідегі дипломдар мен омырау белгілері тапсырылады.

ҰҚК Әскери институтында оқып жүрген Қырғыз Тарабының әскери

қызметшілеріне алғашқы офицерлік атақ беру Қырғыз Республикасының заңнамасына сәйкес Қазақстан Тарабының келісімі бойынша жүзеге асырылады.

13-бап

Оқуды аяқтаған Қырғыз Тарабы әскери қызметшілерінің жұмыс дәптерлері және диплом жобалары Қырғыз Тарабының сұрау салуы негізінде бекітілген тәртіппен Қырғыз Республикасына жіберіледі.

14-бап

Қазақстан Тарабы Қырғыз Тарабының әскери қызметшілерін осы Келісімнің шеңберіндегі құпия және өте құпия ақпараттармен жұмыс істеу және қолдану ережелерімен таныстырады, осы фактіні жазбаша куәландырады және бұл мәліметтерді жария етпеу туралы қолхат алады.

15-бап

Қырғыз Тарабы Қырғыз Республикасының ұлттық заңнамасында көзделген тәртіппен осы келісімді іске асыру шеңберінде алынған құпия және өте құпия ақпараттарды қорғауды қамтамасыз етеді және оларға Қырғыз Республикасында құпия және өте құпия мәліметтерді қорғау үшін қолданылатындай шараларды қолданады.

Алынған мәлімет қазақстандық Тараптың алдын ала жазбаша келісімінсіз үшінші тарапқа берілмейді.

16-бап

Қырғыз Тарабының ҰҚК Әскери институтында оқып жатқан әскери қызметшілері осы Келісімді іске асыру шеңберінде алынған құпия және өте құпия ақпараттарды рұқсатсыз таратуға және жариялауға жол бергендер немесе өзге де қылмыс жасағандар Қазақстан Республикасының заңнамасында көзделген тәртіппен жауапты болады.

17-бап

Тараптардың өзара келісуі бойынша осы Келісімге жеке хаттамалар түрінде ресімделетін және осы Келісімнің ажырамайтын бөліктері болып табылатын өзгерістер мен толықтырулар енгізілуі мүмкін.

Осы Келісімді орындау кезінде туындайтын барлық даулар Тараптардың өзара консультациялар және келіссөздер жолымен шешіледі.

18-бап

Осы Келісім қол қойылған күнінен бастап күшіне енеді.

Осы Келісім белгіленбеген мерзімге жасалады және Тараптардың бірі басқа Тараптың іс-қимылын тоқтату ниеті туралы тиісті жазбаша хабарламасын алған күнінен кейін 6 ай өткенге дейін күшінде қалады.

Осы Келісімнің іс-қимылы тоқтаған жағдайда, оның негізінде жасалған келісім-шарттар Тараптардың міндеттемелерін орындағанға дейін қолданыста болады.

2006 жылғы " ____ " шілдеде Астана қаласында әрқайсысы екі данада қазақ, қырғыз

және орыс тілдерінде жасалды және де барлық мәтіндердің күші бірдей.

Осы Келісімнің ережелерін түсіндіру кезінде келіспеушіліктер туындаған жағдайда Тараптар орыс тіліндегі мәтініне жүгінетін болады.

Қазақстан Республикасы

Үкіметі үшін

Үкіметі үшін

Қырғыз Республикасы

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК